

光緒己卯孟春重刻

小題正鵠初集

陽羨徐人驥書



路閨生先生所選小題正鵠初二三四
集法備理純誠為選讀善本惜書坊就
其原板再三翻刻舛訛太甚旁批圈點
更脫落不堪茲特另寫而重刻之細加
校對圈點批選悉行辨正較之他本差
強人意識者鑒之

光緒五年孟春月掃葉山房主人識

余校士湘中得李子次青試輒甲其儕詩古文
緯溫湛悉中矩度於制藝尤確有心得余擊節
不去口既乃悉其令伯遜夫學博以名孝廉樓
經燕楚間口誦指畫皆有法度可觀則又諗其
淵源之有自歲甲辰次青計偕入都請業之暇
言及家藏塾課定本將付剞氏以廣厥傳余心
儀焉而惜早未之見洎丁未春手一編見示則
所刻正鵠初二三集也急取觀之如啖哀家梨

爽心之骨舉塵容俗狀一洗而空又如發醢難
之覆而見天令人拊髀雀躍不自己於戲士患
無心得耳今學者束髮受一絙編常襲故凡
窮年飲食鮮能知味者比之皆是於文如此凡
事可知而次青於揚波導沸中能獨挺流俗具
英毅之氣不可遏抑是以任天下事而無難者
胥於是乎在獨時文也哉次青勉旃余日望之
矣南皮張鐸序

跋

正鵠三集刻成余與校讐竊謂次青用心良苦
而意大快也記曩時共覲麓山同輩中次青年
最少而資力獨絕交好亦獨殷每談輒溜澠合
辨似兩人腹中互相攫出至得意處輒奮袖酣
呼恨不遍質同人而今得明目張膽而盡出之
不誠快事哉特是余與次青游且七八年次青
先捷而余則今日之吾故吾不異近日治詩古

文辭次青每見必談及時藝如承蜩然歎其神
凝蓋余兩人者境相均而相期乎捷為堂上人
慰紆鬱意足感也夫子不云乎失諸正鵠反求
諸其身天下事命委之非天也斯集之成即次
青與余共相切磋之意亦於是乎在至集中文
清新警拔視坊間庸濫腐蕪直洗凡馬而空明
眼人必不河漢予言

同研何忠駿謹跋

選時文者多矣。而初學獨少善本。其尤鄙陋者。以平庸膚濫之文。當之。轉相授受。先人若爲主。遂至遏抑其性靈。用力愈久。中弊愈深。譬猶之楚而北其轅。雖日倍道兼行。有去而益遠耳。是編意在力矯流弊。使學者確有所依據。文皆從心源中濬出。間有評隲。俱侃侃鑿鑿。能言其所以然。而一切膚套之語不存焉。雖佳篇不能盡錄。而所錄則盡可學。學之萬無流弊。卽中人之資。亦事半功倍。何者。初學天真未漓。胸無宿物。一示以至正至捷之途。未有不蒸蒸然日上者。至其間持論之樸直。評駁之詳明。皆祇爲初學便讀。計以是見哂於方家。所不敢知也。識者諒諸。道光丙午上巳次

青李元度識於仙源講舍

凡例

一是編類分三集初集爲甫入門者導乎先路此關最爲重要此處一差便貽悞終身故凡平庸闕湊合掌諸弊斷不可姑寬其一切庸俗之文尤宜不使人目

一二集則功候較進文皆純乎春夏氣理脉悉本先正聲情極合時趨於諸法尤爲嚴密大抵文心雖變幻無窮其實皆有定法能細心悟入雖萬變不離其宗矣

一三集則境地又進皆名大家小品中極近時者熟復此種則時文中已批竅導卻矣由是而進以大題一以貫之耳

一是編原係家塾鈔本因坊間初學文頗少完善故徧閱諸種取其長去其短有從他選中改本者有合兩三藝爲一者當時摘鈔祇爲便讀計非敢云選也茲因同志慇懃投梓所有參易之處遂未及更正然彼之傳文自在天壤間吾特借以便初學必求處處可學而後已固非敢妄亦正不必過拘也閱者諒之

一小題自當以前明 國朝諸名家及巳山先生八集爲立極然用其法脉亦有宜變其面目者先輩文小講及前半多以簡淡出之名場中則殊不宜卽如入集中啟蒙一集其文俱極高簡初學不易學且恐不善學然不從此中參透消息則又終無悟

入處是編意在酌文質之中所謂先輩骨子時文面目故理法
不走絲毫而文皆最利場屋者

一貽誤後學莫過於坊間俗本如龍門初曜等類平庸膚套全不
立意初學讀之便一味敷衍過抑其心思筆路往往有聰穎之
姿坐此終身廢誤者可深歎恨是編因此起見從此種入手斷
不至誤入迷津

一評語原以發明作意若以空套語加之何益夫文之佳必言其
所以佳處而又須示學者以如何學步方有門徑可入是編不
憚再三之瀆俱直截了當實決其所以然卽有曾入歧途者細

心思之亦當憬然悟躍然起矣至各處旁批間有依原本者俱
未及一一註明因篇幅太隘非掠美也

塾課小題正鵠初集目錄

姪

元度次青編輯

男

元吉
元善
元人

姪

元愷
元欽
原濬
元校訂

平江李傳敏遜吾鑒定

司里

何忠
駁龍臣
方宗賢
能卿

姻陰

蔣
蔣恭
鉉
少懷

同校

學而時習之

單句

毋友不如己者

單句

王唐

學而不思則罔

單句

張江

舉直錯諸枉則民服

單句

王家驥

孝慈則忠

單句

李課雲

見賢思齊焉

單句

李紱

見不賢而內自省也

單句

張江

事父母幾諫

單句

文啟

子路聞之喜

單句

文啟

敏而好學

單句

馬名駒

女得人焉爾乎

單句

李課雲

行不由徑

單句

馬名駒

信而好古

單句

張虬

不憤不啟

單句

張錚

赤也惑

單句

張登雅

浸潤之譖

單句

文觀

是知其不可而爲之者與

單句

張錚

申之以孝悌之義

單句

李紱

人力不至於此

單句

曾振先

端人也

單句

馬名駒

一以爲有鴻鵠將至

單句

文範

民日遷善而不知爲之者

單句

張引初

小人閒居

截下

馬名駒

與其奢也

截下

馬名駒

祭

截下

馬名駒

與其媚於奧

截下

劉麋

君子疾夫舍曰欲之

截下

馬名駒

果能此道矣

截下

曾習孔

君爲來見也

截下

張江